



Javno preduzeće \_\_\_\_\_

**ELEKTROPRIVREDA BOSNE I HERCEGOVINE**

**ELEKTROPRIVREDA BOSNE I HERCEGOVINE d.d. - Sarajevo**

SARAJEVO	
PODRUŽNICA TERMoeLEKTRANA "KAKANJ"	
PRIMLJENO	02-06-2026
BROJ PROTOKOLA	7915-1/2026
ORGANIZACIONA JEDINICA	02-35
PRILOG	

Sarajevo, 01-06-2026  
Broj: 02- 16685-1/26

Na osnovu članova 69. stav (2) tačka d) Zakona o javnim nabavkama BiH ("Službeni glasnik BiH" broj 39/14, 59/22 i broj 50/24), člana 95. Statuta JP Elektroprivreda BiH d.d. - Sarajevo broj: (prečišćeni tekst) broj: NO-2190/21-41./2. od 25.01.2021. godine i broj: SD-20745/21-70./6. od 30.07.2021. godine, te člana 5. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva - Prečišćeni tekst - broj: 06-8661-1/23 od 10.03.2023. godine, broj U-01-40623-1/23-18/34 od 14.11.2023. godine, broj U-01-2332-1/25-137/26 od 28.01.2025. godine i broj U-01-12945-1/26-243/21 od 28.04.2026. godine, Izvršni direktor za proizvodnju, na preporuku Komisije za javne nabavke, d o n o s i

## **ODLUKU** o poništenju postupka nabavke

### **Član 1.**

U skladu sa odredbom člana 69. stav (2) tačka d) Zakona o javnim nabavkama BiH, poništava se postupak javne nabavke u predmetu „Koordinacija rada kotlovsog i turbinskog regulatora Bloka 6“ za potrebe Podružnice Termoelektrana „Kakanj“ Kakanj, broj: 2000045734 po Otvorenom postupku javne nabavke uz korištenje e - aukcije, jer primljena ponuda nije prihvatljiva.

### **Član 2.**

Ova Odluka će se objaviti na internet stranici JP EP BiH, u skladu sa članom 70. stav (6) Zakona o javnim nabavkama BiH.

### **Član 3.**

Za realizaciju ove Odluke zadužuje se Služba za komercijalne poslove Podružnice Termoelektrana „Kakanj“, Kakanj.

## **O b r a z l o ž e n j e**

Postupak nabavke pokrenut je Odlukom o pokretanju postupka broj: 02-45-2/3-3920-1/26 od 16.03.2026. godine. Javna nabavka je provedena po Otvorenom postupku javne nabavke u skladu sa članom 25. Zakona o javnim nabavkama. Procijenjena vrijednost javne nabavke bez PDV-a je 23.500,00 KM.

U predmetnom postupku javne nabavke ugovorni organ je obavještenje o nabavci broj: 1424-1-2-78-3-129/26 objavio na Portalu [www.ejn.gov.ba](http://www.ejn.gov.ba) dana 22.04.2026. godine i u „Službenom glasniku BiH“ broj 29 od 24.04.2026. godine.

U predmetnom postupku javne nabavke ponudu je dostavio ponuđač SIEMENS ENERGY d.o.o. Zagreb.

Komisija za javnu nabavku je izvršila otvaranje, pregled i ocjenu premljene ponude i utvrdila da ista nije prihvatljiva.

Naime, u Zapisniku o pregledu i ocjeni ponuda od dana 25.05.2026. godine, Komisija za javne nabavke je nakon pregleda primljene ponude sa aspekta kvalifikacija ponuđača i rezultatima kvalificiranosti utvrdila da ponuđač SIEMENS ENERGY d.o.o. Zagreb, nije dostavio ponudu u skladu sa kriterijima koji su utvrđeni u tenderskoj dokumentaciji. Tačkom 6.8 tenderske dokumentacije je traženo da potvrde koje izdaje druga ugovorna strana (primaoci usluge ili krajnji korisnici koji su navedeni u Spisku-referenc

listi) moraju biti dostavljene u originalu ili kopiji ovjerenoj od strane nadležnog organa, te potpisane i ovjerene od strane izdavaoca istih (ukoliko se zahtijeva tačkom 6.5 TD).

Ponuda ponuđača SIEMENS ENERGY d.o.o. Zagreb nije zadovoljila kvalifikacione kriterije - zahtjev tražen tačkom 6.8 tenderske dokumentacije jer su Potvrde o uredno izvršenim ugovorima (na stranicama 37., 38. i 39. ponude) dostavljene u kopiji, a ne u originalu ili kopiji ovjerenoj od strane nadležnog organa.

Zbog navedenog Komisija za nabavku je predložila da se izvrši poništenje po predmetnom postupku nabavke u skladu sa članom 69. stav 2. tačkom d) ZJN BiH, jer primljena ponuda nije prihvatljiva.

Na osnovu svega iznesenog donesena je Odluka kao u dispozitivu.

**Pravna pouka:**

Protiv ove Odluke može se podnijeti žalba ugovornom organu JP Elektroprivreda BiH d.d. Sarajevo, Podružnica Termoelektrana „Kakanj“ Kakanj u roku od 10 (deset) dana od dana prijema ove Odluke. Žalba se podnosi u najmanje 3 (tri) primjerka.

Izvršni direktor za proizvodnju  
Fahudin Tanović



Dostaviti:

- Ponuđaču
- Sektoru za ekonomske poslove
- a/a